


PAMFLET

763



BREVIS NAR-

ratio Triumphi quo a Senatu

populoque Traiectensi Illustrissimus princeps
Robertus DudlAEus Comes LeicESTRIVS

&c. Traiecti Batauorum exceptus
est Anno restitutæ salutis 1586
quarto idus Martij.



VLTRAJECT.

Henricus Borculous Excudebat.

Anno 1586.

763 23

2
RELIGIOSISSIMO PRIN-
cipi Roberto Dudleo Comiti
LEICESTRIO baroni de DEN,

BLG & c. Gubernatori belgiæ generali. Iaco-
bus Chrysopolitanus fœlicitatem
perpetuam.

Cum omnis vitæ humanæ societas, omnis reipub-
licæ tranquillitas, civiumque salus, ex optimi & moderati
principis prudentia, ratione & constantia dependeat, omni-
bus votis optandum est, deusque perpetuò rogandus, ut
realis princeps rerum gubernaculis præficiatur, qui rempublicam saluâ,
incolumemque retinere omnibus nervis intendit: qui sacrosantam re-
ligionem colit, amplectitur, amat, cuius mens & voluntas tota in
populi sibi commisi salutem coniecta est. Non ergo iniuria plus quàm
civilibus bellis attrita & accesa Belgia, fœlicior nunc habenda est,
quod singulari dei beneficio principem nacta sit, qui nihil æque habet
in votis, quàm agras Labentesque Belgiæ partes resarcire, optimo-
rumque heroûm, veluti Moïsis, Ezechia, Iudæ Machabæi, alicrum-
que exemplo, ad verum dei cultum promouendum, schismata & disti-
dia extirpanda, salutem populi conseruandam, sartam tectamque con-
cordiam retinendam totus incumbit. Profecto non sine supremi nu-
minis providentia, amplissimæ vestræ Celsitudini rerum gubernacula
delata sunt, ut tu, velut alter Hercules. in tollendis mōstris suppetijsq3
ferendis nobis non desis, verum tempestatum fluctibus propè mersos in
turum portum euehas. Hac sp̃e de Amplitudine vestra concepra, tuus
exoptatissimus in hac Vrbe aduentus, quanta omnium animos lætitia
perfuderit, vix credibile est, ex vultu tantum egregias animi tui do-
tes & heroicam magnitudinem præ se ferente, spes futura libertatis non
mediocris

3.
mediocri, ciuibus affulgebat, comitate dulcissimoque oculorum aspectu
omnium beneuolentiam conciliabas. Et licet pompæ apparatusq; quos
in Celsitudinis vestre aduentum S P Q T R A. fieri curauerat, exat
tenues nec satis pro vestra Amplitudine recipienda magnifici, credo
tamen si ciuium pectora cernere coram licuisset, non maiorem alacri-
tatem, propensiora studia, & affectus ostendi vestræ Celsitudini potu-
isse dixisses. Cum autem animum subiisset dubitatio, cui potissimum
exiguum hunc nostrum laborem dicarem, eum Magnificentie vestræ
(in cuius gratiam hi qualescunque triumphus sunt exhibiti)

merito deberi duxi, qui si Celsitudini vestræ ali-

quo modo fuere grati, eidem hoc nostrum mu-

nusculum non ingratum fore, nobis certò

persuademus. Traiecti. anno par-

tæ salutis 1586 quarto

idibus Martijs.



1.
Apparatus Tituli, inscriptiones &
Spectacula in aduentum Generosissimi Roberti Dudley,
Traiecti exhibita.

Vbi religiosissimus Princeps equitatu comitatuque
regio ad portā albarum virginum peruenisset, a Præ
tore aliisque Urbis optimatibus Claves Ciuitatis ei sunt
oblatae

Erant autem in foro boario geminae erectae pyramides,
plus minus octoginta pedum altitudinis, in Stylobate ob
elisci anglia reginae sacri hic erat inscriptus titulus

D. O. M.

Inuictissimæ Angliæ Franciæ Hy
berniæ Regina Elisabethæ fida Ei Patronæ Belgiae asylo
S P Q TRai. Serenissimæ regiae Maiestati deuotissi
mi dedicabant.

In dextra stylobatis facie legebatur distichon annum
continens.

Belgica sceptrā iuuat misere lacerata tyrannis,
Et fouet auspicijs ELISABETHA suis.

Item

Aspice res nostras, placidam post bella quietem

Ore deus Aequo belgia tota rogat.

In posteriori pyramidis parte, Samsonis historia
Leonem discerpentis extabat, hac inscriptione.

Mel leo Samsoni discerpto vt præbuit ore,
Fortia dulce decus parient sic facta Licestro.

Sub Samfone legere erat.

Immanem vt Samson diuino Marte Leonem

Vincit, & ex rostro dulcia mella legit.

Sic etiam indomitos bello prosternat Iberos.

Dudl. AEVS Martis dexteritate potens.

In utroque latere Carmina partim germanice,
partim latine scripta erant,

H*orrendo Troiæ superante decennia bello,*

Et tanto rerum miserarum turbine fractis,

Militiæ dux esto piæ Dudl. AEe, iuuesque

Arma, feros contra quæ belgia sumsit Iberos.

Nam das aduentu, dubijs solatia rebus

Certa tuo, nec non finem tua dextra malorum,

Hoste triumphato, nobis promittit, & almam

Restituens pacem, Saturnia regna reducet.

Vestraque, per populos, nunquam peritura feretur

Fama, tibi atthereas attollens nomen ad auras.

Hæc igitur celebres vrls quos tibi spondet honores

Accip

6.
*Accipe fronte hilari. Vestris & iunge britannis
 Belgica regna precor, non excepisse pigebit
 Nos gremio regina tuo, sociasque dedisse
 Vicinis dextras populis, tibi fœdere nexis*

Item

E dele roose als balsen soet om ruicken/
I eefflich wilt ontluicken: onse onse eruen
I n v wiuen van honich/ wot v wi suicken/
S woen waer door wi ghesantheit veruieren
A l toonden die belv schon haer roock dese ons steruen
B eeren: wantse inde stert feijn: heeft
E n lincot ons luekens die soeckende conseruen
E ot die roose soeruen: wantse medecijn: geeft.

In fronte prædicti obelisci Iudith cum hac inscriptione depicta fuit.

*Vt caput abcidit Iudæa Virago Tyranni,
 Sic pereant hostes Elisabetha tui*

In alteræ vero pyramidis stylobate hi extrabant

*tituli.
 Exoptatissimo aduentui.*

*Illustrissimi principis Roberti Comitis Leycestrij,
 baronis de Denbig &c. belgie gubernatoris*

*Generalis inaugurati gratulantes Vniuersitates
 Traiect. Dñi ordines Po.*

*In dextro stylobatis Latere hoc distichon annuum
 continens videbatur.*

7.
Bello fracta graui dulci respiro sub vmbra
Teeta rose folijs belgia purpurea.

In sinistro sic

Da deus afflictum tandem miserate popellum
Tristia post belli tempora pace frui.

Frons obelisci referebat palladem hoc elogio.

Vt gladio Pallas Sophia dea pollet & arte,
Sic vtrisque potens belgas regina tuere

In parte posteriori contemplandus erat Hercules
catenis cerberum trahens cum hoc carmine.

Cerberon Alcides domuit, Dutl. AEe Tyrannis,
Haud aliter victor dominare Roberte superbis.

Infra vero

Monstra feras, Stygijque canis tria guttura, mille
Lernai extinxit capitis Tyrinthus angues:
Herculis at superat virtus Dudlea labores,
Illos nam vates olim finxere iocose,
Monstra haec, hidras belgis haec vincula tollet.

Et haec erant Priamidi inscripta.

Florigeras fecundat abes & diuite cornu
Praebet melliferas Elisabetarosas.

Crabe

8.
Crabronesque feros nostris rosa regia regnis
Arcet, & infestis est inimica lupis.

Item

Infaustis exhausta diu iam belgia bellis,
Hispanum renuens laesa subire iugum.
Cum nec libertatis ad huc spes vlla nec vllum
Adforet auxilium, mersa repente foret.
Ni Regina graues miserae miserata labores,
Anglia quam genuit Elisabetha rosam,
Non ignara mali, miseris succurrere pulchrum
Duxisset, precibus belgia mota tuis.
Protinus huc fidum Dudit A Eum diua Robertum,
Finiat auspicijs qui pia bella suis.
Euocat, insignem pietate annisque verendum
Et multa clarum militis artis ducem
Aeternamque sibi famam pariturus in vrbe hac
Multorum precibus saepe vocatus adest.
Eia igitur comitis celebretur fama Licestri,
Votaque sint votis consona nostra suis.

Non procul ab his o beliscis eminēiori loco Fides venusta virgi
nis forma stans, candidaque sinistra vlna fouens catellam dextera
manu principi urbem iam ingressa offerebat officio seque annulum
ostentabat infra hanc singulis scilobitis lateribus Concordia, For
titude, Prudentia, Honos, hoc elogio depictae extrabant

Concordia Fortitudinis, Prudentia Honoris parens.

Infra vero hic erat titulus

Genero

9
Generosissimo heroi Roberto Dudleæ Gubernatori Ge-
nerali Fidem qua hæcenus urbem defendere offerentes capitanei
signiferique Tra. posuere.

In foro palatino Petrus a Sypenes ænopola cuius
egregius sub vineam quæ umbra amoenissima do-
mum refrigerat, vrsam gentilitium Dudleæ insigne
dependerat hoc addito carmine.

Vrsus ad arboreum cohibent quem vincula truncum
Est gentilitijs stemma Roberte tuis
Quod Dudleæ tuo doceat stratagemate fortes
Cogi posse, animo sint licet vsque fero.
Hæc veterum decora alta patrum nos omine firment,
Proficiant belgis, hostibus officiant.

Ante curiam, Ciuitas Traiectensis forma decoræ
mulieris conspiciebatur cui quatuor adolescentulæ qua-
tuor vrbes quas minores vocant designantes vtrumque
latus claudebant.

Quarum primaria sic loquitur
TRAIECTVM.

Salve Dudleæ stirpis generosa propago
Gratus ades mæstis certa Roberte salus.
Ancora sacra ratis collisa, portus & aura
Huc Rosa quem misit Regia gratus ades.

AMISIFORDIA.

B

Fallor

10.
*Fallor ? na incipiunt vires in membra renasci,
Languida quis medica Roborat ossa manu?*

R HENA disticho annum continente.

*Dudleus venit, ecce datur præclara tueri
Ora, salus moestis hæc inopina venit.*

MONFORTIVM.

*Numina quæ celo properant descendere ab alto,
Vestibus in mureis quas ego cerno deas?*

BATAVODVRVM

*Cana fides, pietasque virum vt comitentur euntem
Iustitiæ & sanæ religionis amor.*

Post has stabant septem adolescentes insignia tenentes principū,
quos Adeboldus antistes magnificus, volente Henrico Impera-
tore Augusto convocari olim Traiecti iusserat, inter quos erat dux
Brabantorum dapifer Traiectini Episcopi, Geldriorum princeps
venator. Hollandorum comes magister equitum, Comes Ben-
themius Ianitor, Comes Cuiickenlis pincerna. Comes Goranus ab
arimis: tanta tum erat Ultraiectinorum auctoritas & potestas, vt
annales Hollandiæ abunde testantur.

*In platea veteris cæmeterij in editiori loco Iusti-
tia stabat velatis oculis, altera manu bilancem altera gladi-
um tenens hoc disticho apposito.*

*Iustitiæ populos æquali lance gubernans,
Ense tuere bonos, ense malos cohibe.*

foell

11.

Fœlicibus ANtonini Pij IMperato,
ris Augusti vrbs Traiect. condita auspicijs, fœliciori-
bus Dagoberti Franciæ regis christianismo donata, Ca-
rolī marcelli ope incredulis Phrīsijs profligatis liberata, Henrici
Imp. Aug. Danis expulsis aucta & restaurata, Elifabethæ
Angliæ reginæ tutela, se fœlicissimam futuram
spe non vana confidit.

In posteriori vero Basis parte hic titulus

Diuæ Elifabethæ Angliæ Franciæ Hiberniæ Reginæ,
diuinitus instauratam religionem, contra omnes hostium insultus
propugnaturæ, defensuræ, vindicaturæ, a qua, nihil
non religiosissima principe dignum expectant
tres Traiect. ordines dedicabant.

Ante portam aulæ Generosissimi comitis Adolphi Guber-
natoris, Optimè de republica meriti, prouinciæq; quas suscepit des-
sendendas, magna cum laude administrantis, erectus erat
arcus triumphalis, in quo, Iouem aquilæ
insidentem, cernere erat, Hoc
inscripto, symbolo.

Ζεύς ἄετον ἐίδετο

In Zophoro hæc disticha legebantur,

Impavidis veluti trepidas Iouis armiger alis
Insequitur volucres, vnguibus atque rapit.
Haud aliter fœuos debellet Adolphus Iberos,
Nam proles aquilæ est ter generosa noua.

In pæ

In palatio Diua Maria spectaculum exhibebatur, in quo
 Leo Belgicus saucius grauiusque vulneratus, opem medicam
 implorabat, quem adolescentula Serenissimam Angliæ
 Reginam designans in suam fidem & tu-
 telam recipiebat, addito hoc con-
 uenienti symbolo.

Belgici Leonis Medica.


In basi spectaculi hoc onomastichon gratulatorium car-
men gallicè descriptum erat,

R edoutable en armes a tout vertu ne
 O r est arrive, Robert prince tres excellent
 B ien sagement, belgia sera gouuerne
 E t la guerre mene, par lui heureusement
 R epos, tranquillite, secours, allegement
 T rouuerons vraiment, par sa prouesse
 D e sire sans cesse, auons longuement
 V oir icy present, sa tresnoble hauteesse
 D ROIT ET LOIAL, muer en aage & sagesse
 L Aquelle s'adresse, en grand bonheur & vertu
 E nuers nous, pourquoi crions en liesse
 T u sois la bien, & mieux que bien venu.

Et hoc retrogradum idiomate germanico
carmen

Ver

13.
Verhuecht v belgia en maectt iolht
Ontbonden zijt ghy onder haest zynde ghebrocht
Duecht gheschiet v wonderlyck wort ghy beurt
Sheuonden ghy hebt die vriheyt die ghy socht
Ghesonden v is graeff Ticester wyselich bedocht
Doorspoedich sal hy nederlant regeren
Bloedich oorloch wechneemen en doen tessen.



Ante augustam AEquitum ordinis
Teutonici domum, vbi Caesares reges & principes di-
uertunt consueverunt, principis hospitium, arcus triplici
transitu peruius erat erectus, in Zophoro hoc conti-
nens distichon.

Ingrederere o princeps christo duce & omine LAeto.

Quo te cunque feret tua virtus i pede fausto.

*In summitate arcus Ceres, Rhenusque grandaeui viri for-
ma depictus extabat, hoc appposito tetrasticho.*

*Secure arua colant, terris dent semina tuti,
Frugiferis faecunda Ceres quos ditat aristis
Agricola, per prata boues, errentque bidentes,
Munere Dudlai tutum pecus omne vagetur.*

Faxit

111.
Faxit deus optimus maximus, ut his auspicijs ex p̄-
rissimo amoris fonte profectis, principis erga nos beneuolentia
indies magis accrescat, eumque erga subditos suos induat amorem &
affectum, qualem sibi paterfamilias in suos liberos sumit, ut (deo duce)
alterum eum Gedeonem experiamur, qui aëras propeque collapsas rei
publicæ partes fulcire, omnes in eadem iuris æquitate continere, faci-
lemque se in rebus cognoscendis præbere queat, Quod ut velit &
possit, præstet supremus rerum monarcha, qui teste apostolo eā
ob causam principes & potestates reipublicæ præfectos esse
voluit, ut dei ministri essent. omnibus qui
recte agerent, in gloriam: qui se ve-
ro vitijs & flagitijs dederent in
peccati ultionem & vin-
dictam.

Prosopopeia Urbis Traiectensis ad principem Mauritium
Comitem Nassauium &c. Hollandiæ Zelandiæ & Frisiæ
Gubernatorem fortissimum.

Macte animi princeps heroibus ædite longa
Auraicis serie, qui veram religionem
Virtutem & teneris qua te pater imbuit annis
Rite colens, animumque gerens curamque paternam,
Ingredere auspicijs genitoris moenia dextris
Tecta tui quondam, quem secula nulla tacebunt.
Iue fuit nostri custos fidiſſimus agri,
Vexatasque malis vrbes populosque Leuabat.
Sic facito, o princeps, patriæ virtutis imago.

18

*Oratio qua Iacobus de Pottere Ordinis Senatory vir,
cum doctus tum facundus principem SPQ Traiect. no-
mine excepit.*

ILLustrissime Princeps, Senatores, Tribuni, Respublicaque Traiectina, qua fieri potest modestia manus vestrae excellentiae deosculantur: Cuius diu audissime desideratum aduentum deuote gratulantur. Ingentes Deo Opt. max. grates persoluunt quod oculis diuinae suae Clementiae, afflictas Belgiae Prouincias respexerit, animumque Serenissimae Angliae reginae excitarit, ut has in suam fidem ac tutelam prouincias reciperet. Res profecto laude memorabili, famaue nulla aetate oblitteranda dignissima. Sacrae Regiae maiestati ex intimis pectoris penetralibus immortales agentes gratias, quod pro suo beneuolentissimo erga has prouincias studio & affectu, vestram magnificentiam, patriae e summo discrimine liberandae idoneam delegarit. Vestrae quoque excellentiae gratam animorum deuotionem exhibentes, quae tam arduam tantaeque molis prouinciam suscipere non recusarit. Maxime vero quod placuit vestrae Celsitudini ad hanc nostram ciuitatem belli incommodis vicinissimam iter arripere, ut cum bellicis tum publicis difficultatibus commodius opportuniusque prospicere queas. Qua de causa SPQ Traiect. ob tanta beneficia, tamque praecleara merita se Celsitudini vestrae multis nominibus obstringi, ingenue fatentes, ad praestandum Regiae Maiest. vestraeque magnificentiae, debitum honorem, fidem & obsequium, fortunas suas omnes, vitamque impendere suae Maiestatis, vestraeque Celsitudinis seruitio, Libera animi deuotione offerunt. Augustissimam numinis supremi maiestatem denique obtestantes, ut pro sua clementia arduos Anglicae Maiestatis conatus, heroicasque vestrae Celsitudinis virtutes, bene fortunet, ad nominis diuini sui gloriam, Ecclesiae incrementum, aeternumque Regiae Maiestatis, vestraeque Celsitudinis decus, belgiaeq. afflictae solamen.

Errata sic corrigito

Pag. 1. lege 11 Cale. Aprilis pag 2. lege 9 cal Apri. pagina 4 leg.
Hec hydras, monstra haec,

